


# Fasnacht 2024



## 99er Bääramsle

Am Stammtisch in Bundesbärn do lache si sich schlapp.  
Als noochfolg vom Berset, s isch verdammi knapp.  
Dr Erik Wäber isches nid es duet uns weh.  
Mir sinn nur froh, hets kei grüne geh.

Die neu Bahnhofstroos si wird dr hit.  
E absoluts Bijou oh heilige shit.  
Flaniermeilä wie in St.Tropez, i dräi gli durä.  
Lüt traffe und dumm ummeschnurrä.  
Aber s diggschte für mi e riese Gau.  
Unterno wird alles, nur nüd gegenä Stau.

Hey stopp yoor car, du durlips i have a gun.  
Get out of left your hands it's not a fun.  
Z Hollywood hän sin lang müesse warte.  
Dr Angelo Borer isch am durä startä.

Z Därwil läbe sportliche lüt.  
Das seht me wie sunsch niene nüt.  
Tour de France Siegere und Spitze hürdeläufer.  
Diä chömme vo Därwil es lauft mr dr gäufer.  
Täglich trainiere, do bruchts e huffe.  
So schnell sinn si uf dr Gmeini nur bim Kaffi suffe.

FCB Ojee Ojee

D Schneider Schneiter isch ä heisse spitz.  
Hoggt mitm füdle ufem Nationalrotssitz.  
D Wahlgälder chönt si jedoch chli besser investierä.  
Und ihri Zahnlucke lo korrigirä.

Ei Wirbel z Spanie de wirtsch nid schlau.  
Dr Rubiales schmutzt e hübschi Fuessballfrau.  
Bim Därwiler Fraue-FC ,wird brüelt und me wott reagierä.  
Doch mir sinn überzügt, dass wird däne nid so schnell passierä.

Rots liecht z Ettigä i bi am rennä.  
E neus Puff in dr Region hanni scho länger wellä.  
Chumi dört a, machts mi so richtig Muff.  
S isch nur d Woog am brennä und gar kei Puff.

D Chäppelihäx ruscht mit 80 uf Rynach abe.  
Neu chani dört mit mim Ross nur no 60 trabe.  
Ganz egal 60ig länge, s macht mi fascht verläge.  
Zum die klimachläber vo dr stroos ab fäge.

Letschi sinn d Sternsinger zu mir heime cho.  
Wonise gseh ha isch mir dr Atem blibe stoh.  
Mit Schreckä hanni festgestellt, die hänn jo gar kei  
schwarze drbi.  
Ha garnid gwusst das so eine nüm König dörf si.

Im Dorf ei Theater, aber s het sich rentiert.  
Dr telefonjasser göhrt vo mir uss goldig Premiirt.  
Dr allerwältssiech büssi duet ganz bsunders vrolocke.  
Es lüte nid nur d chilchä, nei , au dr ..... ihri .... (socke)

Dr Esel het är fescht in dr Hand.  
Au ich bi uf dr 6ti Dezämber gspannt.  
Mir wüsste do öpper, ohni z zspasse.  
Dr möschtli als Santichlaus wurd au no passe.

D'Zolli Basel es isch vamos .  
E'neus Vogelhuus so schön und gross.  
D'Vögel piffte und singe durenand das isch de hit .  
Wilsch so öpis bi uns höre neme mir di nögst Jahr ans  
Männerchorfest mit.  
-Ich chas nit verstoh aber die Vögel sin scho sit 190 Jahr do.